

Teagascóir Socrúcháin Scoile

CUR SÍOS GINEARÁLTA AR AN bPOST

Is pobal teagaisc, foghlama agus taighde í Institiúid Oideachais Marino (IOM) atá tiomanta do chuimsiú agus barr feabhais san oideachas a chur chun cinn. Tá baint fhada bhródúil againn le hoideachas, go háirithe oideachas tosaigh múinteoirí (OTM), ag dul siar breis agus 100 bliain. Le deich mbliana anuas, táthar tar éis misean acadúil agus scóip ghníomhaíocht IOM a athshamlú chun tuiscint níos doimhne ar oideachas sa seomra ranga agus lasmuigh de a chuimsiú, chun contanam oideachas múinteoirí agus oideachas cleachtóirí speisialtóirí oideachais sna luathbhlianta, ar leibhéil na bunscoile agus bhreisoideachais a chur san áireamh.

Is mian le hInstitiúid Oideachais Marino (IOM) múinteoirí bunscoile a earcú do phainéal teagascóirí socrúcháin scoile ar bhonn sealadach páirtaimseartha don bhliain acadúil 2025/2026. Fáiltítear roimh iarratais ó mhúinteoirí atá cláraithe le Comhairle Mhúinteoireachta na hÉireann, agus ar spéis leo tacú le mic léinn ar shocrúchán do na cláir seo a leanas, agus iad a bhreathnú agus a mheas:

- Baitsiléir san Oideachas (Bunoideachas), BOid.
- Máistir Gairmiúil san Oideachas (Bunoideachas), PME.
- Baitsiléir san Oideachas Trí Mheán na Gaeilge (Bunmhúinteoireacht), BOid.

Glacann múinteoirí faoi oiliúint in IOM socrúcháin mheasúnaithe éigeantacha i suíomhanna riachtanas speisialta oideachais agus i suíomhanna trí mheán na Gaeilge. Cuirtear fáilte ar leith roimh iarratais ó iarrthóirí a bhfuil ar a gcumas maoirseacht a dhéanamh trí mheán na Gaeilge agus a bhfuil taithí acu ar theagasc i suíomhanna riachtanas speisialta oideachais.

Glacann múinteoirí faoi oiliúint in IOM a socrúcháin i scoileanna ar fud na tíre. Cuirtear fáilte roimh iarratais ó iarrthóirí atá lonnaithe i mBaile Átha Cliath, i nDún na nGall, i Sligeach, i Maigh Eo, i nGaillimh, sa Chlár, i Luimneach, i gCiarraí, i gCorcaigh, i Laois, in Uíbh Fhailí agus san Iarmhí.

Tá cúig thréimhse socrúcháin ann ó mhí na Samhna go mí an Mheithimh, maireann gach bloc socrúcháin trí/ceithre seachtaine, déantar socrúcháin mheasúnaithe le linn na dtréimhsí sin. Ba chóir d'iarratasóirí a bheith ar fáil ar a laghad ceithre lá sa tseachtain chun tabhairt faoi chuairteanna ar scoileanna (le linn uaireanta bunscoile). Reáchtálfar agallaimh de réir mar is gá agus leanfaidh iarratais de bheith gníomhach ar feadh suas le 12 mhí.

CÁILÍOCHTAÍ & SCILEANNA RIACHTANACHA

(i.e. iad siúd, nach bhféadfadh iarrthóir an post a chomhlíonadh gan iad. Ní chuirfear iarratais ar ghearrliosta mura mbíonn sé léirithe go soiléir iontu go bhfuil na bunriachtanais ag iarrthóirí).

Oideachas Tosaigh Múinteoirí:

Chun a bheith san áireamh don phost mar Theagascóir Socrúcháin Scoile ar Chláir Oideachais Tosaigh Múinteoirí (BEd, BOid, MGO), ní mór d'iaratasóirí an méid seo a leanas a léiriú:

- Cáilíocht bunmhúinteoireachta, trína bhfuil an t-iarrthóir cáilithe le clárú le Comhairle Mhúinteoireachta na hÉireann.
- Taithí 5 bliana ar a laghad ar chleachtas gairmiúil sa bhunoideachas
- Eolas den scoth ar churaclam an bhunleibhéil.
- Cumas léirithe de bheith ag obair i dtimpeallacht ar líne.
- Taithí maidir le tacú le cleachtas gairmiúil agus meantóireacht agus measúnú a dhéanamh air.
- Scileanna idirphearsanta, cumarsáide agus eagrúcháin den scoth.
- Inniúlacht sa Ghaeilge inmhianaithe (dóibh siúd ar mian leo oibriú ar an gclár BOid)

Inmhianaithe:

- Ceadúnas iomlán tiomána agus a bheith toilteanach taisteal
- Taithí ar obair mar chuid d'Fhoireann Tacaíochta Gairmiúla Droichead (PST)
- Taithí le hOideachas Lán-Ghaeilge agus le hoideachas speisialta

Ní mór d'iarthóirí an clár/na cláir a bhfuil iarratas á dhéanamh acu air/orthu a chur in iúl go soiléir ina bhfoirm iarratais, agus conas a shásaíonn siad gach ceann de na scileanna agus an taithí réamhriachtanach atá leagtha amach don chlár.

DUALGAIS AGUS FREAGRACHTAÍ:

Is gné lárnach de chláir OTM in IOM é Socrúchán Scoile. Is é sin an t-am a chleachtann agus a fhorbraíonn ár mhic léinn scileanna breathnóireachta, pleanála, teagaisc, measúnaithe agus machnaimh. Tá ról tábhachtach ag an teagascóir socrúcháin scoile maidir le tacú lenár gcuid mac léinn a gcleachtas mar ghairmithe oideachais a fhorbairt agus iad a spreagadh le bheith ina gcleachtóirí neamhspleácha. Agus iad ag obair ina n-aonar agus mar chuid den fhoireann socrúcháin níos leithne, tá teagascóirí socrúcháin scoile freagrach as breathnóireacht, measúnú agus aiseolas a sholáthar do mhic léinn laistigh d'ionaid oideachais. Áirítear ar na dualgaí sin ach gan a bheith teoranta dóibh:

- Breathnú ar mhic léinn ar shocrúchán scoile in ionaid oideachais (le linn uaireanta scoile).
- Aiseolas ó bhéal agus i scríbhinn a sholáthar do mhic léinn.
- Mic léinn a mheas agus meantóireacht a dhéanamh orthu nuair a bhíonn socrúcháin scoile ar siúl acu.
- Oibriú i gcomhar leis na hionaid socrúcháin, le príomhoidí, le múinteoirí, agus le páirtithe leasmhara eile.
- Oiliúint/FGL riachtanach a chur i gcrích a chuireann Foireann Socrúcháin Scoile IOM ar fáil lena n-áirítear oiliúint ar Chosaint Leanáí agus Rialachán Ginearálta um Chosaint Sonraí (RGCS).
- Scáthfhoghlaím socrúcháin scoile a chríochnú sula gcuirtear tús le maoirseacht socrúcháin.
- Oibriú i gcomhar leis an gcomhordaitheoir socrúcháin scoile agus le riarthóirí maidir le héilimh speansas, seoladh isteach tuairiscí agus saincheisteanna lóistíochta.
- Oibriú i dtimpeallacht ar líne agus úsáid a bhaint as córais TF agus ríomhfhoghlama IOM.
- Athbhreithniú ar dhoiciméid phleanála (ar líne nó ar an láthair).
- Tuarascálacha faoi ghráid a sheoladh isteach de réir riachtanais an chláir.

Faisnéis a bhaineann le hInstitiúid Oideachais Marino (IOM): Tá tuilleadh faisnéise ar IOM agus a cláir ar fáil ar shuíomh Gréasáin na hInstitiúide www.mie.ie

IARRATAS, PRÓISEAS ROGHNÚCHÁIN AGUS EOLAS GINEARÁLTA.

Is trí phainéal agallaimh ar a mbeidh triúr ar a laghad a reáchtálfar an t-agallamh agus beidh na daoine is oiriúnaí agus is cáilithe chun iarratasóirí sa disciplín a mheas ón dáta bunaithe agus is é sin dáta an chéad agallaimh. Ní mór d'iarrthóirí fianaise dhoiciméadach shásúil a chur ar fáil ar oiliúint agus ar thaithí uile arna maíomh acu, más gá. Ní bheidh na hagallaimh ar siúl go dtí Meán Fómhair/Deireadh Fómhair 2025.

Beidh ar gach iarratasóir rathúil dul faoi ghrinnfhiosrúchán an Gharda Síochána. Tabharfar treoir shainiúil maidir leis an bpróiseas sin ag an am iomchuí. Ní dhéanfar iarratasóirí nach gcomhlíonann riachtanais na hInstitiúide ina leith seo a bhreithniú.

IARRATAS A DHÉANAMH:

Comhlánaigh an fhoirm in Aguisín a hAon agus seol ar ais í le do CV mar ríomhphost chuig careers@mie.ie nó sa phost chuig:

An Oifig Acmhainní Daonna
Institiúid Oideachais Marino
Ascaill Uí Ghríofa
Baile Átha Cliath 9.

Ní mór foirmeacha iarratais comhlánaithe a bheith faighte faoi 5.00in Dé hAoine, an 29 Lúnasa 2025. Ní ghlacfar le hiarratais atá déanach.

Ní bheidh an Institiúid freagrach as costais ar bith, lena n-áirítear speansais taistil, a bhféadfadh iarrthóirí iad a thabhtú i ndáil lena n-iarrthóireacht.

Is fostóir comhdheiseanna í Institiúid Oideachais Marino.

Aguisín a hAon Foirm Iarratais



An Associated College of
Trinity College Dublin, the University of Dublin

Iarratas ar bheith san áireamh ar Phainéal Teagascóirí Socrúcháin Scoile IOM

1. FAISNÉIS PHEARSANTA

Ainm:

Seoladh:

Teil. Soghluaiste:

Ríomhphost:

2. FAISNÉIS FAOIN IARRATAS

Dáta an iarratais: _____

Iarratas ar (*cuir tic mar is cuí*)

☐

**Teagascóir Socrúcháin Scoile ar an mBaitsiléir san Oideachas
Trí Mheán na Gaeilge (B.Oid)***
Inniúlacht sa Ghaeilge riachtanach

☐

Teagascóir Socrúcháin Scoile (B.Ed., PME) *

*Ní mór clárú leis an gComhairle Mhúinteoireachta mar mhúinteoir bunscoile

Uimhir na Comhairle Múinteoireachta: _____

3. STÁDAS REATHA

Cuir tic sa bhosca cuí le do thoil.

Ar scor ☐ Bliain scoir: Sos gairme ☐
Eile ☐ Tabhair sonraí:

4. CÁILÍOCHTAÍ

Tabhair sonraí faoi cháilíochtaí acadúla nó gairmiúla

An Institiúid Dámhachtana	Cáilíocht a fuarthas	Dáta na dámhachtana	Príomhábhair

5. TABHAIR BREAC-CHUNTAS AR DO SHAOL GHAIRMIÚIL GO DTÍ SEO

Scoil/ Ionad/ Institiúid	Seoladh	An post a bhí agat	Dátaí

6. TAITHÍ GHAIRMIÚIL ÁBHARTHA EILE/CÚRSAÍ NEAMH-CHREIDIÚNAITHE:

7. EOLAS AR CHURACLAM ÁBHARTHA / SAINEOLAS FAOI ÁBHAR

8. TAITHÍ OIBRE I dTIMPEALLACHT AR LÍNE

9. TAITHÍ THACAÍOCHTA/MHEANTÓIREACHTA/MHEASÚNAITHE AR SHOCRÚCHÁN SCOILE

10. FIANAISE AR SCILEANNA IDIRPHEARSANTA, CUMARSÁIDE & EAGRAÍOCHTA

11. CUMAS SA GHAEILGE

An bhfuil cumas sa Ghaeilge agat le tabhairt faoi na réimsí seo a leanas:

feitheoireacht ar cheachtanna Gaeilge	_____ Tá	_____ Níl
feitheoireacht i nGaelscoil/ suíomh lán-Ghaeilge	_____ Tá	_____ Níl
feitheoireacht i scoil/suíomh sa Ghaeltacht	_____ Tá	_____ Níl

12. MOLTÓIRÍ

Ainmneacha agus seoltaí beirt mholtóirí (*Nuair is cuí, ba cheart go mbeadh moltóir amháin ina Chathaoirleach ar Bhord Bainistíochta na scoile inar mhúin tú le déanaí.*)

Teileafón:

Teileafón:

Ríomhphost:

Ríomhphost:

Seol an fhoirm chomhlánaithe ar ais chuig: careers@mie.ie . Tabhair faoi deara go gcoimeádfar an fhoirm ar comhad chun go bhféadfar breathnú uirthi amach anseo. Cuirfear iarratasóirí ar ghearrliosta le haghaidh agallaimh ar bhonn an eolais a chuirtear ar fáil ar an bhfoirm iarratais seo. Is fostóir comhdheiseanna í Institiúid Oideachais Marino